

Hom Kab Ke Xa Kev Pab Cuam Uas Tau Tso Haum Lawm Ntawm Medi-Cal Fab Tshuaj Muaj Yees (Drug Medi-Cal) hauv Lub Cheeb Nroog Fresno

Medi-Cal Fab Tshuaj Muaj Yees (Drug Medi-Cal) yog dab tsi?

Medi-Cal Fab Tshuaj Muaj Yees (Drug Medi-Cal, DMC) yog ib ceg haujlwm ntawm Medi-Cal uas raug tsim tawm nyob rau thaj tsam li ntu kawg ntawm kaum lub xyoo hauv 1970s hais ntsees txhawm rau txheeb them rov qab rau cov kev pab cuam kho mob Fab Kev Tsis Meej Pem Ntawm Kev Siv Tshuaj Khesmis (Substance Use Disorder, SUD). Nws yuav muab nyiaj pab rau ib ncuu kev pab cuam uas muaj kev tswj ciam – kev tawm tswv yim pab rau cov neeg mob uas tsis pw tsev kho mob thaum xub thawj thiab tej kev cim yeeb cim tshuaj (methadone treatment) – kev siv ib lub tswv yim kev teeb tsa nqi nyob rau thaum nrab 1990s.

Hom Kab Ke Xa kev Pab Cuam Uas Tau Tso Haum Lawm Ntawm Medi-Cal Fab Tshuaj Muaj Yees (DMC-ODS) yog dab tsi?

DMC-ODS yog ib lub phiajxwm ua ua ntej txhawm rau sim siv ib tug qauv tshiab ntsig txog kev muab cov kev pab cuam rau cov neeg uas tsim nyog raug xaiv rau Medicaid uas muaj Kev Tsis Meej Pem Ntawm Kev Siv Tshuaj Khesmis (SUD). DMC-ODS yuav nthuav txav ncuu ntawm cov kev pab cuam uas muaj los mus siv rau cov neeg uas muaj Medi-Cal, yuav nce cov nqi them rau neeg muab kev pab cuam thiab yuav nthuav txav tej kev nkag mus rau kev saib xyuas rau cov neeg uas muaj nyiaj tau los tsawg. DMC-ODS kuj tseem yuav teeb tsa ib co cai tswj txhawm rau npaj ua cov phiajxwm kho SUD ib leeg zus nkag mus ua ib ceg haujlwm uas tau txua tseg lawm raws li cov cai tswj txog Tshuaj Cim Yeeb Hauv Koom Haum Neeg Asmesliskas (American Society of Addiction Medicine, ASAM) thiab yuav txhawb nqa kev sib sau cov kev pab cuam fab SUD uas muaj kev saib xyuas thaum xub thawj kom loj dua qub thiab cov kev pab cuam kev mob nkeeg xiam hlwb.

Cov kev pab cuam twg thiaj muaj rau siv?

- Kev tawm tswv yim pab rau tus neeg mob uas tsis pw tsev kho mob uas muaj ob peb qho kev txwv txiav nyob rau hauv cov zeeg sij hawm sib ntsib ib qho zuj zus.
- Cov kev pab cuam neeg mob uas tsis pw tsev kho mob uas mob nyhav ces zoo ib yam nkaus li qhov saum toj dhau los no tab sis tus neeg siv kev pab cuam yuav muaj peev xwm tau txais cov kev pab cuam ntev li lossis ntau tshaj 9 xuab moo tauj ib lim tiam.
- Kev tswj xyuas thau tawm (kev ntxuav tej kuab lom tawm ntawm lub cev) hauv tus neeg mob uas tsis pw tsev kho mob thiab kev txum chaw nyob. Cov kev kho mob uas siv tshuaj tej zaum yuav raug siv raws li tau txib tseg los ntawm tus kws kho mob hauv phiajxwm kho mob.
- Tej kev kho mob ntawm chaw nyob uas ntev txog li 90 hnuv.
- Cov kev pab cuam tswj xyuas case yuav los pab cov neeg siv kev pab cuam hauv tej kev nkag txog cov kev pab cuam hauv tej zej zog thiab hauv kev hloov xa mus rau lwm theem kev kho mob SUD.
- Kev cim Opioid (cim yeeb) yuav muaj rau siv raws li qhov nws ua niaj hnuv no. Tej zaum kuj tseem yuav muaj lwm yam tshuaj kho mob cim opioid rau thiab.
- Kuj tseem yuav muaj lwm yam tshuaj siv kho SUD raug siv raws li tau txib lus los ntawm tus kws kho mob hauv phiajxwm kho mob.
- Cov Kev Pab Cuam Txhawb Nqa Kom Zoo Rov Los (Tom Qab Kho Mob Tag) yuav muaj muab rau tag nrho txhua tus neeg siv kev pab cuam txhawm rau pab kom lawv nyob tau huv si thiab cim tau lawm tom qab tiav ib zaug kev kho mob.
- Cov kev pab cuam uas tseem muaj rau tub ntxhais hluas uas raug nthuav txav.

DMC-ODS yuav muaj qhov tshwm sim rau zej zog li cas hauv Lub Cheeb Nroog Fresno?

- Yuav muaj cov kev pab cuam rau tag nrho txhua tus neeg uas tau txais nyiaj pab ntawm Medi-Cal uas tsis sau nqi dab tsi li.

- Cov kev pab cuam yuav muaj ua hom lus tham uas nyiam siv heev nyob hauv Lub Cheeb Nroog Fresno (Lus Spanish thiab Lus Hmoob).
- Tus xov tooj hu kho mob muaj rau siv ib hnuv li 24 xuab moo 7 hnuv hauv ib lim tiam (24/7)
- Cov neeg siv kev pab cuam yuav raug ntsuam xyuas txhawm rau kom paub tias txoj hau kev twg thiaj zoo tshaj plaws rau nws li kev kho mob.

Peb yuav mus txog qhov ntawd tau li cas?

Lub Cheeb Nroog Fresno yuav npaj ib daim phiajxwm uas yuav piav qhia txog tias DMC-ODS yuav ua haujlwm mus zoo li cas thiab nws yuav ua tau raws li cov cai ntawm Xeev thiab Tsoom Fwv tau zoo li cas. Hauv kev txhim kho phiajxwm kev nqis tes ua DMC-ODS uas peb tab tom yuav nrhiav lus taw qhia los ntawm cov neeg siv kev pab cuam, lawv tsev neeg, cov neeg zej zog, cov neeg muab kev kho mob SUD thiab lwm pawg neeg uas muaj kev txaus siab nrog. Peb xav ua kom paub ~~kom~~ meej tias cov kev pab cuam DMC-ODS yog yam nkag tau mus txog thiab muaj txiaj ntsig zoo rau tag nrho txhua tus.